



UNIVERSITÄTS-  
BIBLIOTHEK  
PADERBORN

# Hermann Hamelmanns geschichtliche Werke

Reformationsgeschichte Westfalens

**Hamelmann, Hermann**

**Münster i. Westf., 1913**

2. Ahlen

---

---

**Nutzungsbedingungen**

[urn:nbn:de:hbz:466:1-56665](https://nbn-resolving.org/urn:nbn:de:hbz:466:1-56665)

## 2. Ahlen<sup>1)</sup>.

Die etwas tragikomisch wirkende Geschichte, wie die Ahlener wegen des Verlustes ihrer Rinderherden dem eben erst mit Eifer angenommenen Evangelium wieder untreu werden, beruht nach Hamelmanns eigener Angabe (W 1311) auf der Erzählung des Hauptbeteiligten und seiner Familie. Schon deshalb dürfen wir annehmen, daß der Bericht ziemlich genau und zuverlässig ist, und die übrigen Quellen bestätigen das durchaus.

Der Schluß ist etwa 1568 geschrieben.

W 1304. *Ecclesiasticae*<sup>a)</sup> *historiae de renato evangelio in oppido Alensiditionis Monasteriensis brevis explicatio autore Hermanno Hamelmanno L. Th.*

Anno 33., postquam Monasterii doceretur evangelium publice concedente episcopo Francisco Waldechiano, tandem accendebantur quoque Alensis oppidi senatus civesque luce evangelii<sup>2)</sup>. Itaque

a) *Der Text folgt B und W.*

<sup>1)</sup> C. A. Cornelius, *Cotius und die Reformation in Alen*, Beilage 9 zu seiner Schrift „Die münsterischen Humanisten und ihr Verhältnis zur Reformation“, Münster 1851, S. 79 ff. (auch abgedruckt in seinen „Historischen Arbeiten“, Leipzig 1899, S. 68 ff.), ist eine elegante Nacherzählung des Hamelmannschen Berichtes.

<sup>2)</sup> Am 2. Juni 1533 machten die Bürger eine Eingabe an den Rat, er möge den Bischof um die Erlaubnis bitten, daß „dat wort Godes recht und reyne durch gude, truwe und vernunftige predicanten geprediget, und, wat ungotlich is, afgedaen, und dat gotlich und recht is, wederum verordent moge werden“. Der Rat schrieb an demselben Tage in diesem Sinne an den Bischof. Beide Schreiben sind abgedruckt bei J. Niesert, *Beiträge zu einem Münsterischen Urkundenbuche Bd. 1, Abt. 1, Münster 1823, S. 213 f. und 215.* Die Antwort des Bischofs ist nicht erhalten. Nach Kerßenbroch (*Wieder-*

commoti illi cupiebant audire evangelium et cum haberent secretarium et ludimoderatorem virum doctum et bonum, magistrum artium Gerhardum Cotium (qui primum gradum magisterii Coloniae sumpserat, deinde correctorem ad d. Ludgerum Monasterii egerat atque postea Witebergam iverat discendae religionis verae causa indeque reversus in patriam ducta uxore secretarius et ludimagister urbis erat constitutus<sup>1)</sup>), valde negotium evangelii promoventem apud omnes, cogitabant, quomodo ipsum eligerent in evangelicum concionatorem. Sed ille hoc olefaciens noluit primo suscipere istam subitam et oblatam vocationem, nisi simul legitime ad hoc munus a magistratu et civibus vocaretur et promoveretur. Tandem precibus eorum, hoc est senatus et civium commotus suscepit oblatum munus tali conditione, modo prius duo concionatores ex urbe Monasteriensi vocarentur, qui inciperent negotium evangelii. Suscepta est conditio et vocatur a senatu Brixius Nordanus ex parochia Martiniana Monasteriensi<sup>2)</sup> et rogatur, ut secum adducat alium quendam concionatorem. Venit igitur Adam Brixius adducens secum alium concionatorem Johannem Beveranum, olim Franciscanum.

Brixius dominica tertia a Trinitate<sup>3)</sup> de ove perdita voluit docere. Ingressus templum reperit quendam papistam et hostem evangelii Johannem Cattenbusch sacellanum<sup>4)</sup> publice docentem.

*täufergeschichte ed. Detmer* S. 413 *lautete sie*, „ut se a religionis et ceremoniarum novatione contineant, ne in calamitatem ineluctabilem se praecipitent“. *Auf dem Landtage in Rheine am 6. Oktober 1533 kam der Bischof darauf zurück und ließ die Antwort erteilen*: „Als ze begert einen guden predicanten t'hebben, will unse g. h. datsulve in bedenck nemen und sich dar up mith antwort lathen vernemen“ (*Detmer ebenda Anm. 3*). *Aber da hatten die Ahlener nach der „reinen Predigt“ des Wortes Gottes schon kein Verlangen mehr.*

<sup>1)</sup> *Vgl. über ihn Bd. 1 H. 3 S. 133 und oben S. 6 Anm. 5. — In Ahlener Urkunden (Staatsarchiv Münster, Dep. Ahlen) kommt er am 18. Mai, 27. Juli und 5. Dezember 1530 und 17. September 1532 vor.*

<sup>2)</sup> *Vgl. oben S. 25.*

<sup>3)</sup> *Da das Evangelium vom verlorenen Schafe auf den dritten Sonntag nach Pfingsten (1533 22. Juni) fällt, so nimmt Cornelius, Hist. Arbeiten S. 69 Anm. 1 an, daß dieser gemeint ist. Der dritte Sonntag nach Trinitatis war der 29. Juni.*

<sup>4)</sup> *Er kommt als Vikar der alten Kirche zu Ahlen am 14. Juni 1553, 22. September 1554 und 4. Oktober 1557 vor. Am 31. Mai 1560 war er schon tot. Staatsarchiv Münster a. a. O.*

Egressus autem templo docere incepit in coemiterio, ad cuius mox concionem statim omnes e templo confluunt. Finita concione promittit se docturum latius a prandio. Itaque iubent pontificii et quidam adhuc ex civibus papistae occludi templum, ne quisquam ingredi posset pomeridiano tempore. Tandem oritur ante templum clausum tumultus, qui vix sedari potuit a Brixio, Beverano et Cotio, quoniam imminebat periculum vitreis fenestris et simul *W 1305.* valvis templi. Hoc considerans custos etsi prohibitus tamen aperit ultro propter maius periculum vitandum. In apertum templum Brixius ingressus publice docuit et quemadmodum in prima concione eleganter de gratia Dei et merito Christi docuerat, ita hic acriter incipit papisticum cultum reprehendere. Idem fecit postredie in altero templo Johannes Beveranus, atque sic per quindecim<sup>1)</sup> septimanas docuere tranquille isti duo evangelium in utraque parochia Alensis urbis.

Tandem cum non amplius permetteretur a suis parochianis Brixio, singulis septimanis excurrere Monasterio ad Alenses, detinuerunt in vocatione Johannem Beveranum et tandem de consilio Brixii multis precibus fatigant Cotium suum secretarium, ut staret promissis et se in locum Brixii ordinari et constitui pateretur. In ipso discessu Brixii vocatur etiam Cotius ab urbis Lemgoviensis senatu suasu et commendatione M. Gerhardi Oemikii, tunc ibi vocati superintendentis<sup>2)</sup>, in concionatorem neopolitanum. Ut igitur retinerent illum apud se in officio concionatoris, transegerunt cum Cotio, et illius transactionis literae senatus secreto ratificatae sunt et Cotio oblatae<sup>3)</sup>, imo iuramento se obstrinxerunt Cotio cives de communi consensu cum toto senatu nullum tam magnum periculum futurum, quod non sint cum ipso subituri propter evangelium.

Interim, dum haec fiunt, nobilis quidam albus monachus Cisterciensis<sup>a)</sup> ordinis<sup>4)</sup> in monasterio Cappenberg, ubi tantum nobiles locum habent, fuit pastor urbis Alensis nomine Johannes

a) *B und W*: Cistriensis.

<sup>1)</sup> *Bis zum 22. September nur 13 bzw. 12 Wochen (vgl. oben S. 63 Anm. 3).*

<sup>2)</sup> *Vgl. über ihn Bd. 1 H. 3 S. 228.*

<sup>3)</sup> *Nicht mehr nachweisbar.*      <sup>4)</sup> *Vielmehr Prämonstratenser.*

Harman<sup>1)</sup> (veluti et Theodorus Ervervelde<sup>a)</sup> <sup>2)</sup>, eiusdem ordinis et aequae nobilitatis, pastor erat novi oppidi), qui exiens urbem tamquam praecipuus hostis doctrinae sinceræ opera totius sui coenobii consensum capituli maioris ecclesiae Monasteriensis et episcopi consecutus est, hoc est nonnihil concessionis, ut conniverent, si ille aliquid contra Alenses tentaret. Hoc impetrato convocat cognatos, amicos, propinquos, fratrem et affines, qui in comitatu de Marka circa urbes Lippiam et Hammonem habitabant, ut erat satis ampla ipsius familia, et his conquestus de iniuria sibi et suo Deo, papae, totique istius ordinis in Cappenberg coenobio facta opem omnium implorat. Illi, qui plerumque omnes adhuc erant papistae, collecto clam milite et multis congregatis equitibus, inter quos etiam erant quidam nobiles de facie noti, properabant ad urbem Alensem. Inter alios fuerat valde inflammatus quidam ex nobili familia ortus Gerhardus a Recke, satrapa in Heisten<sup>3)</sup>, qui ascensurus equum dixerat ad suos: „Iam ibo eques expugnatum Lutheranorum sectam“. *W* 1306. Sed vix verba ista finiverat, cum iam equum ascendisset, statim decidit in famuli dorsum et exspiravit. Sed alii negant illum tunc statim fuisse mortuum<sup>4)</sup>.

Advenerunt equites tacite collecti magno numero ad oppidum Alen cum aliquot militibus, ut praedam boum et vaccarum abducerent. Interim de his rebus nihil constabat Alensibus. Advenientes in viciniam urbis propter nebulosum aërem non sunt a quoquam visi illo mane. Dies autem erat octavus ante Michaëlem<sup>5)</sup>.

a) *W*: Evervelde.

<sup>1)</sup> Ein Geleitsbrief der Stadt Ahlen für Johann Harmanns, Pastor der alten Kirche daselbst, vom 11. Oktober 1534 im Staatsarchiv Münster, Archiv von Kappenberg.

<sup>2)</sup> Dietrich Elvervelde, Pastor der neuen Kirche in Ahlen, kommt urkundlich am 10. November 1543 vor (ebenda, Dep. Ahlen).

<sup>3)</sup> Gemeint Heessen.

<sup>4)</sup> Er kommt in der Tat noch 1534 und 1535 vor. Vgl. C. Graf v. d. Recke-Volmestein und O. v. d. Recke, Geschichte der Herren von der Recke, Breslau 1878, S. 122. Hier wird allerdings an der Erzählung festgehalten, daß er bei dem Unternehmen gegen Ahlen sein Leben verlor und dies einfach in das Jahr 1535 verlegt.

<sup>5)</sup> 22. September. Kerssenbroch S. 119 gibt an, die Geschichte sei die Veneris post Matthaei festum (26. September) passiert, aber Hamelmann wird wohl besser unterrichtet sein.

Pridie vel nocte praecedente per quendam amicum, cuius nomen ignoratur, graviter moniti sunt Alenses, ut sequenti die potius in vallum et aggeres conferrent machinas bellicas et bombardas, quam ut permetterent agi et educi vaccas et boves a bubulcis in gramina campi. Imo in ipso hostium aggressu et accursu venit alius quidam magno cursu ad urbem clamans: „Habete rationem vestrarum vaccarum, vos Alenses!“ Sed illi non exierunt, alii etiam non audebant. Existimabant multi posteriorem subornatum, ut is ita eliceret cives ex urbe, quo vel illi mactarentur vel abducerentur simul. Interim pastoris istius Harmans cognati et alii magno numero collecti nobiles cum suis ministris equites et pedites abduxere vaccas, boves, vitulos, iuvencae omniaque vaccarum pecora urbis Alensis, quarum pretium excessit undecim millia florenorum Rhenensium. Abductio illa facta est circa horam octavam matutinam, cum et ipso tempore doceret in altero templo pro concione Beveranus, cuius concioni intererat Cotius<sup>1)</sup>.

Facta seditione et orto tumultu propter perditas et amissas vaccas cum omnes extemplo current ad portas, currunt quoque cum aliis Cotius et Beveranus nescientes, quid rei esset. Cum cives ad portas veniunt, intelligunt ab instructa equitum armorum et militum cohorte abductas omnes vaccas propter evangelium eiusque conciones publicas, quod pastoribus monachis, praesertim Johanni Harman, impediissent sua sacra. Ibi mox cives fremebundi et furibundi, qui antea erant fervidissimi in negotio religionis Lutheranae, arma convertunt in Cotium, quasi autorem susceptae religionis Lutheranae eumque strictis gladiis insequuntur et extensis hastis acriter regredientem magno cursu ad suas aedes transicere conantur. Vix celeri gressu elapsus ex eorum manibus venit ad suas aedes et in eis se recludit. Illi ibi fores effringere conati sunt, sed a domesticis suis praemuniebantur ianuae et fenestrae, ne facili impetu intrarent. Tamen impeditum est hoc, nescio, qua ratione. Quamquam sedarent et consolarentur consules et senatores suos subditos cives omnes, tamen postquam se collegissent et per pulsum campanae convenissent cives cum uxoribus,

<sup>1)</sup> *Kürzere Berichte bei Kerssenbroch a. a. O., in der Münsterischen Bischofschronik (Geschichtsquellen des Bistums Münster Bd. 1) S. 328 und in Spormachers Chronik von Lünen bei v. Steinen Bd. 4 S. 1464.*

famulis, famulabus et filiabus, accessere ad locum, ex quo abreptae et abductae erant vaccae.

Hic quidem multae lacrimae, ploratus, querulae voces, imprecationes in Cotium, dirae maledictiones in senatum audiebantur (quia illud oppidum ex graminibus eorumque copia et alendis vaccis victum quaerit) a feminis et simul viris, atque omnium votum erat, ut senatus traderet ipsis Cotium. „Quodsi illum nobis tradatis, facile“, aiunt, „recipiemus nostras vaccas.“ Et quidem fecerunt isti, qui antea vehementer negotium evangelii promoverant. Ita accidit cum Christo: quidam sine dubio vel ab isto pasti vel sanati etiam postea cum reliquis clamant: „Crucifige, crucifige!“ Sed respondit senatus: „Wir wollen keine fleisch verkeuffers sein“ denotantes se non proditores fore sanguinis iusti, „quoniam aliter“, inquit, „promisistis Cotio“. „Optimi igitur cives, hoc unum agamus“, inquit consules et senatores, „ne simul et vaccis et deinde honore honestoque [nomine] privemur. Melius est nomen bonum, quam unguenta pretiosa. Aliud est enim inter nos et M. Gerhardum Cotium transactum“. Responderunt hic impii illi frementes ira et maerore: „Quodsi nos maxime temerario iuramento obstrinxissemus Cotio et suae doctrinae, tamen hae nostrae uxores et filiae famulique et filii nulla ei tenentur obligatione. Itaque vos omnes“, conversi ad suos aiunt, „[hortamur], ut in Cotium et eius aedes impetum faciatis.“

Hoc olefaciens alter consulum, vir pius Gerhardus Ossenbeck<sup>1)</sup>, praecurrit alios venitque clam ad aedes Cotii comitatus altero quaestore aerarii et evocatum Cotium abducit ad secretissimum locum, cuius non erat gnara coniunx Cotii. Nam in cuiusdam viduae, Gertrudis thom Holte, aedibus abdiderant illum sub stramine metuentes eius vitae per dies et noctes quatuor. Interea bonus vir Cotius neque cibo neque potu usus est. Imo ita divinitus erat sustentatus ibi, ut etiam desiderio cibi potusve non affectus fuisset, tantum, quod orasset et Domino se commendasset.

Interea per istos dies feminae excubias agebant ante fores

<sup>1)</sup> Er kommt als Bürgermeister am 1. Oktober 1529, 11. März und 9. Mai 1530 und 13. Februar 1536 urkundlich vor (Staatsarchiv Münster, Dep. Ahlen).

Cotii flentes, vociferantes, imprecantes Cotio et suis, et magno furore aestuantes tumultuabantur ad viam omnes. Aliae faciunt impetum in fores effringendas, quaedam scandunt ad fenestras, *W 1308.* sed partim ab uxore Cotii et familia repulsam passae, partim minis et obsecrationibus senatus, ne vim aedibus attentarent, retractae sunt, quoniam cum suis ministris etiam consules et senatores pii quasdam manu a seditioso conatu placide abstrahebant, vel potius illarum conatum non sine sui corporis periculo remorabantur. Sed cum scalis aggredierentur nihilominus domum feminae nihil curantes preces, monita et minas consulum et senatorum, decreverat aqua fervida et pulte fervente, quas ad manum habebat, abicere a fenestris uxor Cotii hostes, sed dissuasa [est] a collega Cotii, ne id faceret (quoniam Beveranus tunc adhuc erat in aedibus Cotii, cui etiam nondum imminebat periculum).

Interim excitato rumore (forsan a consulibus et senatoribus subornato, postquam aliud medium non eſset ad manum) dicitur Cotium clam in isto puncto aufugere ex posteriori aedium suarum parte ad moenia, ut ita exemplo Pauli, de quo <sup>a)</sup> in postrema concione docuerat, elaboretur ex illarum manibus. Currunt igitur omnes ad moenia, ut fugientem interciperent. Interim etiam et uxorem eius ex suis aedibus ad tutiorem locum, postquam ei quoque periculum propter liberiorem responsionem et execrationes retortas in adversarias inmineret, abducunt duo senatores. Sic et illa latuit. Interea Johannes Beveranus fugiens in vicinum hortum abdiderat se satis periculose sub spinis in unum locum collectis et foco adaptatis, ubi ille in tertium usque diem fere latitabat sine cibo et potu. Quarta nocte ferme elapsa extrahitur ex acervo straminum Cotius per senatores duos, viros pios Johannem Croess et Johannem Avenhovel <sup>1)</sup> iussu consulum. Reductus est ad proprias aedes noctu sub veste muliebri, qua indutus erat, ut reficeretur cibo et potu. Verebantur enim ipsum fame periturum, vel sibi morbum ex inedia contracturum. Refectus iterum per eosdem reducit ad pristinum locum tali habitu, quia nondum tumultus et seditio muliebris cessaverat. Quinta nocte

a) *B und W*: qua.

<sup>1)</sup> *Cröß kommt urkundlich 1524—46, Avenhovel 1530 vor (ebenda).*



redierunt ad Cotium latentem pii et praestantes consules Gerhardus Ossenbeck et Johannes a Langen<sup>1)</sup>, evangelio et Cotio addictissimi, et illum secundo extractum stramine reducunt, iam paululum tumultu sedato, ad proprias aedes, ad quas etiam reducta iam erat uxor, et ibi Cotium cum uxore ex scripturae testimoniis consolati sunt consules: „Sic oportuit Christum pati, sic et sui, qui non possunt esse meliores magistro suo.“ Deinde opem et suam Cotio et uxori liberaliter promittunt. Quaeritur et Beveranus, sed non invenitur, qui postea ex spinis prodiens ad *W* 1309. aedes Cotii reficitur cibo et potu et clam deinde exiit urbe.

Cotius sexta nocte, quae praecedebat festum Michaelis, vocatur et ducitur in curiam. Ibi consules et senatores, qui et ipsi non levem iacturam in amissis vaccis fecerant, de plebis impio tumultu et nefario conatu gravissime conquesti sunt et de sua prompta voluntate amplissime loquentes asserunt sibi nihil esse prius et optabilius, quam ut posset ad pristinam vocationem regredi et ad ministerium iam inceptum revocari. „Ad quam rem nos quidem omnem conatum et vires nostras extenderemus, nisi id vereremur frustra tentari propter animos civium et praecipue muliercularum in te“) exacerbatos. Hoc enim si fieret, novum tibi et nobis periculum immineret, mi M. Gerharde. Itaque te obnixè rogamus, ut nobis hanc in te praeter meritum illatam iniuriam a plebe non imputes nec in senatum ullam huius rei culpam transferas, sed obsecramus, ut facere digneris cautionem de ista iniuria non vindicanda in Alenses cives et oppidanos, si forte alibi in unum vel plures incideris. Nos interim, si ista cautione praemissa abieris, quocunque velis discedere, adiungemus tibi fidos comites et curabimus, ut uxor cum suppellectili sequatur, et tuae domus cura ac ratio [nobis erit] commendata“. Verum is respondit: „Nihil periculi vobis a me erit expectandum, quia evangelici non debent de privata cogitare vindicta“. Sed ita cum ire decrevisset Monasterium, adiungunt ei octo viros bonos et pios, qui cum senatu proprio damno neglecto sui pii doctoris rationem habuere magis quam sui commodi.

a) *W*: inde.

<sup>1)</sup> Als Bürger 1502 und 1530, als Bürgermeister am 16. Juni 1532 und 19. April 1534, als Provisor der alten Kirche 1541 bis 1544 genannt (ebenda).

Ita pridie Michaelis deducitur Monasterium in aedes Brixii<sup>1)</sup>, et non multo post sequebatur uxor parte aliqua supellectilis relicta Alae. Quo tempore etiam increbuerat et iam vires sumpserat Monasterii anabaptistica lues, et deinde ab altera parte et papistae et papistarum socii vigeabant. Ibi ab utraque secta non parum probri sustinuit Cotius Monasterii, qui digito monstrabatur: „Er ist, der mit seinen Lutherischen predigen hat denen von Alen ire Kūe quit gemacht“<sup>2)</sup>.

Sic accidit plebi et civibus Alensibus, quod Gergesinis<sup>3)</sup>, qui malebant discedere finibus suis Christum a ditione sua, quam ut ibi haereret et eis viam salutis traderet. Sed illi aequiores erant Alensi vulgo civium ac muliercularum impio et perverso, quoniam rogabant isti Christum, ut discederet, hi vero volebant e medio tollere Cotium et uxorem eius.

In ipso autem festo Michaelis ingressus est urbem Alensem *W 1310.* eques cum octo ministris equitibus satrapa in Drenstenvorde<sup>4)</sup> Johannes de Recke, nobilis, optimus et integerrimus vir, pietati verae deditus et M. Gerharo Cotio omnibusque piis propter sinceram doctrinam imprimis favens, hoc fine et propterea, ut tuto ex manibus impiorum civium eriperet et educeret Cotium, qui pridie eductus erat. Is igitur regressus est domum laetus hoc audito et semper amavit evangelium, quod etiam in parochia Steinvordiana praedicari curavit<sup>5)</sup>.

Interea evocatur iam tandem Cotius tertiis literis a senatu urbis Lemgoviensis, quibus acceptis abiit ad eam urbem paulo post festum Crispini et Crispiniani et suscepit ibi conditionem, de qua re suo loco latius<sup>5)</sup>.

Vae autem et quidem vae impiis istis civibus et eorum

a) *B und W*: Dreckstenvorde.

<sup>1)</sup> Vgl. oben S. 35.

<sup>2)</sup> Auch Briccius wurde später von Daniel von Soest als „ossenprediger van Alen“ verspottet (Fr. Jostes, Daniel von Soest, Paderborn 1888, S. 269).

<sup>3)</sup> Gemeint ist die Erzählung bei Matth. 8, 28 ff., Mark. 5, 1 ff. und Luk. 8, 26 ff.

<sup>4)</sup> Vgl. über Johann v. d. Recke C. Graf v. d. Recke-Volmestein und O. v. d. Recke a. a. O. S. 159 ff.

<sup>5)</sup> In der Kirchengeschichte der Grafschaft Lippe (*W 815 ff.*) und der Stadt Lemgo (*W 1063 f.*).

uxoribus, quae cum vaccas perdiderant<sup>1)</sup>, etiam salutem in Christo Jesu perdiderunt, dum ipsum in suo membro et discipulo persequerentur et sic evangelium et publicam illius apud se praedicationem excuterent, qua ab eo tempore usque in diem hodiernum carent.

<sup>1)</sup> *In der Angelegenheit des Kuhraubes ist noch ein Briefwechsel des Landgrafen Philipp von Hessen mit dem Bischof Franz erhalten (Konzept bzw. Original im Staatsarchiv Marburg, Abschriften im Staatsarchiv Münster). In dem Schreiben des Landgrafen vom Dienstag nach Francisci (7. Oktober) 1533 heißt es: Wir wollen aber e. l. nicht pergen, das uns itzt in kurzen vilfaltig durch lantmans sage angelangt ist, das itzt vor der stat Ahlen in e. l. Stiff Münster ein mērglich tapfer anzal rind und ander viehe sonderlich des Evangelions halber mit e. l. verhengnus und wissen gewaltiglich ohn alle verwarung genommen und hinweggetrieben worden sein. Wand wir nu dem, das es mit e. l. verhengnus gescheen sei, bis noch khein glauben geben haben und geben dem auch noch kein glauben, wo es aber gescheen, horten wir das nicht gerne, denn es wer zu besorgen, es wolt zwischen e. l. und iren underthan etwas unwillen geperen, das wir auch nicht gern sehen, darumb wolten e. l., wie ir gepurt, mit allen muglichen fleis daran sein und verschaffen, das e. l. armen underthan das ir on entgeltus widder werden oder des erstattungen dargegen bekhomen mugen . . . Der Bischof antwortete am Sonntage nach Galli (19. Oktober): Wir haben e. l. schreiben, in welcherem e. l. under anderen aus freuntlicher meinong unns entdeckenn, das derselben vast vilfeltig durch lantmans sage angelangt, das des evangeliums halber unnd durch unsere verhengnus vor unnsere Stat Ahlen ein mērglich antzall vyhes genommen und hinweg getriben sei unnd wo es gescheen mit unser verwilligung, das e. l. vermutung nach zu besorgen, das es zwischen uns unnd unnsere unterthanen etwas unwillens geperen wurde . . . zu Dank verlesen und vernommen. Willen daruff e. l. nit verhalten, das unns die gemelte begangene uberfarung unnd thetliche Eingriff nit wenig beschwert, auch von herzen leidt ist, und das wir derwegen vor etlichen Tagen den Erwirdigsten in got unseren Herren unnd Oheimen den Ertzbischofen zu Coln etc. (diweill die hauptleute desselbigen thetlichen ubertzugs im Stiff Paderborn habhafftig gesessen) uffs vleißigst annsuchen und biten lassen, die theter dermaßen antzuhaltten, damit den unnsere beschedigten undersassen gepurliche erstattung bejegne, inn zuversicht, seine liebd werden sich in dem aller gepur unnd des heiligen Reichs Ordnung gemēß beweisen und haltenn, das aber (wie e. l. angelangt ist) unnsere meinong solle gewest sein, durch solche wege, die von Aelden von iren ungehorsam zur gepurlicheit zuweisen, in dem werden e. l. zu milde bericht, da, so es die noit erforderde, unnsere underthain zum gehorsam zuweisen, so wollten wir mit gottis hilff wol andere wege gegen sie furnemen lassen, dan mit frembder thetlicher handelung die unsere underthoin ubertziehen und beschedigen zu lassen . . . — Das Schreiben des Bischofs an den Erzbischof von Köln habe ich nicht ermitteln können. Für die Ahleener ist offenbar nichts dabei herausgekommen.*

Post semestre Alam reducitur annuente episcopo et impetrato prius a senatu, qui id coactus per praesulem faciebat, salvo conductu Johannes Harman, pastor veteris oppidi, mediocri suorum et imprimis fratris sui Godefridi Harmans equitatu et pristino loco restituitur non sine dolore piorum.

Omnes isti cum iam ad mensam cum ipso pastore sederent et splendide coenarent coenamque in multam noctem protraherent, zelo quodam contra pseudopastorem vir quidam pius nomine Henricus Hermelingius<sup>1)</sup>, officio rotarius, accendebatur, tum quod tantum damni attulisset urbi, tum quod illato eo damno privati essent simul evangelii doctrina. Itaque machina currens ad coenaculum tandem per foramen ex platea intendit pseudopastori isti cupiens istum, quem sciebat novam pestem urbi futurum, traicere. Sed emisso telo fefellit hominem miserum ictus et istud suum institutum, quia neminem laesit. Interim coenantes et iam semiebrii valde commoti boatu et ictu machinae illico exsurgunt et currunt ad vigiles et ab illis diligenter quaerunt, num ab ipsis iam quispiam in plateis visus fuisset. Illi nihil tale suspicantes ex simplicitate respondent istum Hermelingium praeteriisse. Ita excitari curant senatum et hunc graviter accusant, qui vinctus traditur carceri et ad illorum accusationem iudicio sistitur. Confessus factum denique propterea morti adiudicatur.

*W 1311.* Supplicio locus destinabatur vicinia portae, ubi rotae imponitur pius vir, qui placide mortem subivit, propterea, ut singulis exeuntibus ipsius supplicium conspicuum et terrori esset, ne quis in posterum unquam tentare auderet contra pastorem et papisticam religionem quicquam. Verum illo iam e medio sublato et rotae imposito putabant impii omnia tuta. Verum tunc in illo loco supplicii et circa rotam, cui is infixus erat, undique fulgida spectacula et iucundissimae claritates noctu et quotidie conspiciebantur ab omnibus, ut omnium civium animi commoverentur et clamarent de istius pietate et pastoris crudelitate.

Cum vero id ita quotidie per aliquot septimanas duraret, fuit iste tyrannicus pastor, cui nondum satis erat abstulisse vaccas Alensibus, nisi etiam huic vitam ademisset, ita commotus, ut sua-

<sup>1)</sup> *Heinrich Hermelink kommt am 16. Juni 1532 als Proviser der St. Katharinenbrüderschaft urkundlich vor (a. a. O.).*

deret corpus istius ex rota deferri debere in coemiterium. Ita is cum utriusque templi clericis, scholasticis et sacrificulis egressus in celebri pompa urbem curat ex rota honeste deponi corpus Hermelingii et loculo impositum per quatuor viros solemniter cum crucibus et trophaeis portari in urbem ad coemiterium neopolitanum sequentibus funus sancti martyris omnibus fere civibus et multis mulierculis cum toto senatu, ubi habuit sepulturam praeclariorem quam unquam vel episcopus quispiam.

Cum forsán pastorem istum sua accusaret conscientia, ut eum taederet vitae in oppido Alensi, regreditur in suum coenobium, ubi quidem eligitur in praepositum, hoc est, caput istius monasterii<sup>1)</sup>. Sed aiunt multi illum in ultima senecta lepra fuisse percussum.

Haec ego partim ex Cotii verbis, partim ex uxoris relatione per Henricum Strapelvenium<sup>2)</sup>, nunc pastorem in Bege comitatus Lippiae, qui ista omnia etiam praesens vidit et a Cotio affine educatus est, accepi.

M. Gerhardus Cotius, cum iam mediocriter et feliciter suum cursum evangelii in comitatu Lippiae et praecipue in pastoratu ecclesiae in oppido Hornensi finivisset, scripsit tum demum ad suos Alenses, quomodo per Caesarem et totius imperii consensum esset omnibus liberum permissum, quamnam religionem, papisticamne vel evangelicam Augustanae confessionis, vellent amplecti, ut cogitarent de vera via, quae ad salutem ducat omnes, ubi quidem repetit, quomodo olim legitime vocatus anno 33. eis inservierit in ministerio evangelii inculcate et demum non propter maleficium suum, sed damnum quoddam illis ab impiis propter evangelium Christi illatum, misere turbatum se et eiectum prolixè docet. „De *W 1312.* qua,“ ait, „eiectione nunc gaudeo et tantum in hac mea senecta de vobis sollicitus sum vos orans et obtestans, ut veram illam doctrinam semel a vobis exturbatam, velitis propter animae vestrae

<sup>1)</sup> *Er wurde nach der Resignation Johann Kettelers († 21. Dezember 1538) am 26. Januar 1536 zum Propst gewählt, kommt als solcher öfter urkundlich vor, starb am 13. Mai 1546 und wurde im Chor neben seinem Bruder Gottfried, Amtmann in Ahaus, beerdigt. Sein Nachfolger war Hermann Ketteler (Staatsarchiv Münster, Urkunden von Kappenberg 226, 239, 241, 242, 246, 249, 251, 253, 255, 256 und Dignitarienverzeichnis, Arch. Subs.).*

<sup>2)</sup> *Vgl. Bd. 1 II. 3 S. 261, wo er Stapelvenneus heißt.*

salutem nunc, cum id concessum sit et liberum etiam vobis permissum, recipere et impias illas missas expungere“, quarum etiam impietatem prolixè ex scripturis refutat ibidem, quod conscientiae et officii causa dicit se scribere ad suos sympatriotas. Sed isti interim manserunt in papistica impietate. Erit igitur istud scriptum istis in testimonium.

Dolendum est in tot urbibus amplae ditionis Monasteriensis, quales sunt Boreka, Cosveldia, Warendorpia, Ala, Beckemena, Telgetum, Werdena, Ahusium, Wildeshusium, Werda<sup>a) 1)</sup>, Scopingia, Ransdorpium, Statlonium, Horstmaria, et in multis aliis oppidis ac vicis mihi incognitis non propagari veram doctrinam.

In oppido Rhena purius doceri audio propter praesentiam veteris praesulis Wilhelmi Ketleri, quam alibi, ubi etiam illius sacellanus, vir doctus M. Johannes Hammakerus, in aula Ketleri pure docet et sacramenta integre administrat<sup>2)</sup>. De oppidis Bochildio, Meppen, Haselunna, Cloppenberg et Vechta diximus.

Hermannus Coutius<sup>b)</sup>, primo pastor et vicarius<sup>3)</sup>, postea decanus Beckemensis factus, valde papatum in istis oris semper defendit et tutatus est, vir existimatione magis doctus, quam re ipsa, cum quo cum ego aliquando de religione conferrem Beckemena, nihil aliud habuit, quod opponeret et obiceret ex scriptura et patribus pro invocatione sanctorum et aliis papisticis nugis, quam locos communes Johannis Hoffmeisteri<sup>4)</sup>, monachi desperati, ex patribus pro papistica assertione collectos, ubi ostendi etiam coram ipso Hoffmeisterum quaedam falsa citasse. Qui sint reliqui papistae vel neutrales in istis oppidis ditionis amplissimae Monasteriensis et quales monachi papisticam religionem in diversis monasteriis istius ditionis defendentes, ignoro.

a) *B und W*: Wurda.      b) *W*: Cotius.

<sup>1)</sup> Gemeint ist wohl die Herrschaft Werth (Kr. Borken).

<sup>2)</sup> Vgl. S. 58f.

<sup>3)</sup> Hermann Kote kommt als Vikar in Beckum am 5. Januar 1554 urkundlich vor (Staatsarchiv Münster, Dep. Ahlen). Nach Bd. 1 H. 3 S. 170 leitete er um 1534 die Schule in Beckum. 1532/1533 versuchte auch Beckum die Einführung der Reformation. Vgl. Kerksenbroch S. 411, D. Lilie, Osnabrücker Bischofschronik (Osnabrücker Geschichtsquellen Bd. 2, Osnabrück 1894) S. 219f. und J. Schwieters in der Einleitung zu den Bau- und Kunstdenkmalern des Kreises Beckum, Münster 1897, S. 18.

<sup>4)</sup> Vgl. über ihn Realenzyklopädie Bd. 8 S. 229 ff.